



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 55. S. Fulgentius secundo Exul.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI
A.C. 521.

continuis Regni sui curis occupatum, ardentissimo desiderio in Sapientiam ferri, quam alias solum homines otiosi, aut Romani serio sectantur. Barbari ignorantiam indoli suæ, quam a natura hauserunt, propriam profitentur. Vandali aliive Romanorum Victores probro non ducebant Barbaros appellari, imo sibi ipsis id nominis tribuebant, quo a Romanis distinguerentur. Tum S. Fulgentius Materiam aggreditur, & in Libro primo de duabus Jesu Christi Naturis in una Persona differit, præprimis demonstrans in ipso præter Divinitatem esse animam rationalem. In Libro secundo de Immensitate Filii Dei agit, & in tertio de ipsius Passione, præcipue ut ostendat, Divinitatem non fuisse passam. Obstupuit Rex viri Ingenium & argumentorum soliditatem, nec ultra S. Fulgentium quæstionibus vexare ausus est. Major fuit audacia unius ex ipsius Episcopis, cui nomen Pinta; huic S. Fulgentius respondit in peculiari opere, quod hodie desideratur, nam aliud omnino est, quod nostra ætate hoc nomen præfert.

vita c. 23.

ap. Fulg. p. 535.

§. LV.

Secundum S. Fulgentii Exilium.

Rege Trasamundo S. Fulgentium diutius Carthagine retinere volenti instabant Ariani: *Princeps! præsentem viro isto zelus*

lus tuus nihil Religioni prodest; Episcoporum aliquos pervertit, & nisi obsistis, actum est de Religione. Cessit Rex mo-

Sæculum VI.
A.C. 521.

mentibus, & S. Fulgentium in Sardiniam remisit. Ut ipsius discessum populus ignoraret, jussit eum noctu ad portum deduci; verum contrariis ventis navem in altum provehi per aliquot dierum spatium vetantibus tota prope Civitas convenit, ut viro Sancto valediceret, & Communionem de manu ejus acciperet. Cum videret virum virtutis studiosum, cui nomen Juliateus, ob suum abitum tristitia obrutum, ait: *parce lacrymis, brevi redibimus, & Ecclesia Catholica Libertatem recuperabit.* Jussit autem, ut rem silentio tegeret, timens ne tanquam Propheta coleretur. Eodem modo S. Fulgentius omnia dona sibi a Cælo gratis data occultabat. Nunquam a Deo petiit, ut Miracula patraret, & si languentes, aut aliis calamitatibus pressi ipsius precibus commendarentur, orabat in hunc modum: *Tu scis, Domine! quid Animarum nostrarum Saluti profuturum sit. Ante omnia impleatur voluntas tua!* dicere solebat: *Miracula non dant Justitiam, sed pariunt famam, quæ sine Justitia nostram damnationem auget.*

c. 25.

c. 26.

In Sardiniam iterum delatus relicta priore Domo, in qua numerosa erat Congregatio, novum Monasterium prope Ecclesiam

c. 27.

Sæculum VI. clesiam S. Saturnini Martyris procul a Ci-
A. G. 521. vitatis tumultu remotum suis expensis
 condidit, obtenta prius, ut oportebat, a
 Brumasio Episcopo Calaritano licentia.
 Ibi plus quadraginta Monachis congrega-
 tis, illos ad paupertatem præprimis insti-
 tuebat, ut nihil proprium sibi haberent;
 in ea enim virtute Monasticæ vitæ cul-
 men constituebat. Dicebat: *contingere
 potest, ut fragilitas corporis Monachum
 cogat ad usum cibi lautioris, si vero vel
 minimæ rei Dominium sibi usurpet, Su-
 perbia aut avaritiæ indicium est.* Maxi-
 ma cura ad infirmitates Fratrum atten-
 debat, ut cuilibet, quibus indigebat, tri-
 bueret, & etiam præveniret; nam non
 probabatur ei, si ipsi peterent, sed vole-
 bat, ut æquissimo animo auxilium Præpo-
 sitorum expectarent. Minus diligebat
 illos, qui solo manuum labore occupa-
 bantur, quam in quibus magnum Lectio-
 nis, & Scientiæ Spiritualis amorem de-
 prehendebat, etiamsi ob virium tenuita-
 tem ab omni labore abstinere cogeren-
 tur.

§. LVI.

Alia S. Fulgentii opera.

Sub idem tempus S. Fulgentius ad Car-
 thaginenses dedit Epistolam Exhorta-
 toriam. In ea technas & fraudes dete-
 gebat, quibus Ariani ad eos perverten-
 dos